

# **RAPORO IRAMBUYE Y'AMATORA YO KUZUZA INZEGO Z'IBANZE, IZIHARIYE GASHYANTARE-WERURWE 2014**

## **I. INTANGIRIRO**

Amatora yo kuzuza Inzego z'Ibanze n'Izihariye yarateganyijwe mu gihembwe cya gatatu cy'umwaka wa 2013-2014, mu gihugu hose, nk'uko byari bikubiye muri gahunda rusange ya Komisiyo y'Igihugu y'Amatora, yagenze neza kuko yakozwe hubahirijwe amategeko n'amabwiriza kandi akorwa mu mucyo no mubwisanzure. Raporo irambuye ku migendekere y'ayo matora, mu Ntara zose n'Umujyi wa Kigali, iribanda kuri ibi bikurikira :

- Imigendekere y'amatora nyirizina yo kuzuza imyanya mu Nzego z'Ubuyobozi bw'Ibanze ,Izihariye na za , mu Ntara n'Umujyi wa Kigali ;
- Bimwe mu byiza n'Ibibazo byagaragaye muri ayo matora;
- Ibyifuzo n'inama byatuma amatora yo kuzuza arushaho gukorwa mu buryo bunogeye buri wese kandi bwihuse;

## **II. IMIGENDEKERE Y'AMATORA YO KUZUZA IMYANYA ITARI IKIRIMO ABAYOBOZI BATOWE MU NZEGO Z'IBANZE N'IBYICIRO BYIHARIYE**

Muri rusange, amatora yo kuzuza imyanya itari ikirimo Abayobozi batowe mu Nzego z'Ibanze, Izihariye , yabaye hagati ya Gashyantare- Werurwe 2014, mu Ntara zose yagenze neza. Nk'uko gahunda yabigaragazaga, ibikorwa by'ingenzi byayagaragayemo, ni ibi bikurikira:

### **a) Kumenyekanisha amatora yo kuzuza imyanya itari ikirimo Abayobozi batowe mu Nzego z'Ibanze n'Izihariye yabaye**

Igikorwa cyo kumenyekanisha amatora yo kuzuza imyanya itari ikirimo Abayobozi batowe mu Nzego z'Ibanze n'Izihariye, cyakozwe hifashishijwe uburyo bukurikira :

- Ibiganiro n'Abayobozi b'Inzego zitandukanye : Intara, Uturere, Imirenge ;
- Gutanga inyandiko zirimo gahunda y'amatora yo kuzuzwa inzego z'ibanze , izihariye ;
- Imiganda ikorwa hirya no hino mu utugari no mu midugudu ;
- Ibiganiro mu Nteko z'Abaturage mu Midugudu,
- Ikiganiro cya Komisiyo y'Igihugug y'amatora: "Inzira ya Demokarasi gihita kuri radiyo Rwanda buri wa kabiri,

**b) Gushaka imyanya itakirimo Abayobozi batowe mu Nzego z'ibanze n'izihariye:**

Mu rwego rwo kunoza imyiteguro y'amatora yo kuzuzwa mu nzego z'ibanze n'izihariye, hashatswe imyanya nyirizina igomba kuzuzwa. Iki igikorwa ntikiba cyoroshye gukorwa mu buryo bunoze kuko usanga hakiri Abayobozi bamwe bo ku rwego rw'Imirenge, Utugali n'Imidugudu batanga raporo ko abantu batari mu myanya yabo kandi batareguye hubahirijwe amategeko. Ibyo ahanini usanga biterwa nuko baba batakurikiranye ibikorwa cyangwa bafite ibyo bapfa. Hari n'abatazi amategeko icyo ateganywa.

*Imbonerahamwe zikubiyemo imyanya igomba kuzuzwa :*

❖ *Inzego z'ibanze*

INTARA/VK	UMUBARE W'IMYANYA IGOMBA GUTORERWA					IGITERANYO IMYANYA
	KU RWEGO RW'AKARERE		KU RWEGO RW'IMIRENGE	KU RWEGO RW'UTUGARI	KU RWEGO RW'IMIDUGUDU	
	Inama Njyanama	Komite Nyobozi	IMYANYA	IMYANYA	IMYANYA	
Amajyaruguru	1	0	58	174	905	1,137
Amajyepfo	6		69	339	1740	2154
Iburasirazuba	2	0	54	397	1781	2234
Iburengerazuba	5	2	55	326	1997	2383
Umujyi wa Kigali	2	0	22	182	639	845
<b>IGITERANYO RUSANGE</b>	<b>16</b>	<b>2</b>	<b>258</b>	<b>1418</b>	<b>7062</b>	<b>8753</b>

❖ *Ibyiciro byihariye*

INTARAVK	UMUBARE W'IMYANYA YATOREWE										IGITERANYO IMYANYA
	KU RWEGO RWAKARERE			KU RWEGO RW'IMIRENGE			KU RWEGO RW'UTUGARI			KU RWEGO RW'IMIDUGUDU	
	CNF	CNJ	NCPD	CNF	CNJ	NCPD	CNF	CNJ	NCPD	CNF	
Amajyaruguru	0	0	0	29	58	106	150	177	138	440	<b>1,098</b>
Amajyepfo	1	5	3	33	41	15	153	183	58	715	<b>1,207</b>
Iburasirazuba	0	0	1	6	9	8	76	121	17	159	<b>397</b>
Iburengerazuba	3	6	2	36	48	36	174	223	125	536	<b>1,189</b>
Umujyi wa Kigali	0	1	1	21	28	26	162	179	184	627	<b>1,229</b>
<b>IGITERANYO RUSANGE</b>	<b>4</b>	<b>12</b>	<b>7</b>	<b>144</b>	<b>184</b>	<b>191</b>	<b>715</b>	<b>883</b>	<b>522</b>	<b>2477</b>	<b>5120</b>

## c) Gushaka no guhugura Abakorerabushake bazayobora amatora yo kuzuzwa

Nk'uko byari biteganyijwe, mu Ntara zose n'Umujyi wa Kigali hashatswe Abakorerabushake baranahugurwa kugirango bongererwe ubumenyi bitryo bazayobore amatora yo kuzuzwa Inzego z' Ibanze n'Izihariye. Hanshingiwe ku ngengo y'imali yari ihari hagiye hakora Abakorerabushake batatu kuri buri Kagli. Abo uko ari batatu bayoboye amatora yose yo kuzuzwa inzego zitorerwa zikorera ku rwego rw'Umudugudu n'Utugali. Ku rwego rw'Umurenge hakoze Abakorerabushake babiri.

Mu Turere tumwe twari dufite amatora yakozwe mu gihe cya BRIDGE, hashyizweho abakozi b'ingoboka kugirango bayobore amatora, aha ni mu Karere ka Nyaruguru, Huye, Muhanga, Gicumbi, Nyarugenge, Gisagara, Rubavu, Nyabihu ndetse na Nyanza.

Imbonerahamwe ikurikira iragaragaza umubare w'Abakozi bayoboze amatora yo kuzuzwa:

N0	INTARA	UMUBARE W'ABAKOZI			
		AKARERE	KU MIRENGE	KU TUGARI	KU MIDUGUDU
1	Amajyaruguru	3	178	414	828
2	Amajyepfo	7	202	532	1064
3	Iburasirazuba	3	190	503	1006
4	Iburengerazuba	6	192	538	1076
5	Umujyi wa Kigali	3	70	161	322
<b>IGITERANYO</b>		<b>22</b>	<b>832</b>	<b>2148</b>	<b>4296</b>

d) Gutanga kandidatire no kwiyamamaza ku bifuzajya kujya mu myanya y'Ubuyobozi itari yuzuye.

Nk'uko amategeko abiteganyaga, amatora yo kuzuzwa Nyobozi z'Imidugudu, Inama Njyanama z'Utugari, Inama Njyanama z'Imirenge hamwe n'amatora yo kuzuzwa Inzego zihariye, igikorwa cyo gutanga kandidatire no kwiyamamaza byagiye bikorerwa imbere y'inteko zatoraga umunsi w'itora nyirizina.

By'umwihariko mu Turere twa Nyaruguru, Ngoma, Gisagara, Nyabihu na Nyanza habereye amatora yo kuzuzwa Inama Njyanama y'Akarere, hatorwa Umujyanama uhagarariye 30% by'abagore bahagarariye abandi mu Nama Njyanama y'Akarere .

Muri ayo matora , abakandida bari bahasanzwe kuko batowe mu mirenge. Akaba ari muri urwo rwego , tariki ya 24-26/03/2014 habaye igikorwa cyo kwiyamamaza imbere y'Inteko itora yari igizwe n'Inzego zikurikira :

- Abahuzabikorwa b'Inama y'Igihugu y'Abagore ku Tugari ;
- Abagize Biro y'Inama Njyanama z'Imirenge igize akarere ;
- Abagize Komite Nyobozi z'Inama y'Igihugu y'Abagore ku Mirenge ;
- Abagize Komite Nyobozi z'Inama y'Igihugu y'Abagore ku Turere.

Mu Karere ka Nyarugenge ho bareye amatora ya biro y'Inama Njyanama ndetse no gutora Umujyanama ujya mu Nama Njyanama y'umuji wa Kigali. Ayo matora yakozwe tariki ya 24 Werurwe 2014.

Mu Mirenge ya **Nyabinoni, Kigoma, Mukarange, Nyakabanda, Rugabano na Rugerero** yo yabereyemo amatora y'Umujyanama Rusange , aho bagomba gutora abajyanama buzuzwa Inama Njyanama z'Uturere iyo Mirenge ibarizwamo, abakandida bagiye biyamamariza mu Tugali twose. Ahanini icyo gikorwa cyabaga ku gicamunsi abaturage bakitse imirimo ya mu gitondo cyane ko ahenshi cyari igihe cy'ihinga. Ahenshi wasangaga abaturage babyitabira ariko bitari cyane kuko ayo matora aba adakorerwa mu gihugu hose usanga abadakorerwa aho batuye batabyitabira cyane.

**e) Ibikoresho by'amatora byakoreshejwe mu matora yo kuzuzwa Inzego z'Ibanze n'Izihariye.**

Ibikoresho by'amatora byakoreshejwe mu matora yo kuzuzwa Inzego z'Ibanze n'Izihariye, bitewe n'imiterere y'amatora, ntabwo byari byinshi kubera ko amatora menshi yo gusimbura yari amatora aziguye andi ari ayo ku murongo ku buryo atasabaga ibikoresho byihariye by'amatora.

Ahanini ibyo bikoresho , byari bigizwe na lisiti y'Inteko itora zitora mu matora aziguye , amakaramu , Impapuro z'itora ,impapuro zisanzwe zo gukoreraho raporo,imiti yo muri imprimante na photocopieuse, Flip Shirts , Markers , isanduka y'itora mu matora yo ku Karere, Imigereka itandukanye muri buri tora. Ibyo byose byarateguwe, bigezwa ahatorerwaga ku gihe kandi byuzuye, nta kibura na kimwe.

Iyo amatora yarangiraga habaga igikorwa cyo gutarura ibigomba gutarurwa, bigasubizwa mu bubiko bw'ibindi bikoresho by'amatora mu turere.

**f) Imbonerahamwe zikurikira zigaragaza ibyavuye mu matora yo kuzuzwa**

***\* Imibare y'Abatowe mu Nzego z'Ibanze***

BY-ELECTION GENERAL REPORT

INTARAVK	UMUBARE W'IMYANYA YATOREWE					IGITERANYO IMYANYA
	KU RWEGO RW'AKARERE		KU RWEGO RW'IMIRENGE	KU RWEGO RW'UTUGARI	KU RWEGO RW'IMIDUGUDU	
	Inama Njyanama	Komite Nyobozi	IMYANYA	IMYANYA	IMYANYA	
Amajyaruguru	1	0	63	209	1043	1316
Amajyepfo	6	0	77	292	2467	2842
Iburasirazuba	1	0	52	381	2061	2495
Iburengerazuba	4	2	79	370	1706	2161
Umujyi wa Kigali	2	0	22	126	842	992
<b>IGITERANYO RUSANGE</b>	<b>14</b>	<b>2</b>	<b>293</b>	<b>1378</b>	<b>8119</b>	<b>9806</b>

*\* Ibyiciro byihariye*

INTARAVK	UMUBARE W'IMYANYA YATOREWE												TOTAL IMYANYA
	KU RWEGO RW'INTARA		KU RWEGO RW'AKARERE			KU RWEGO RW'IMIRENGE			KU RWEGO RW'UTUGARI			KU RWEGO RW' IMIDUGUDU	
	CNF	CNPD	CNF	CNJ	NCPD	CNF	CNJ	CNPH	CNF	CNJ	CNPH	CNF	
Amajyaruguru	0	0	0	0	0	25	49	36	85	164	110	277	<b>746</b>
Amajyepfo	0	0	0	4	0	11	25	3	123	312	130	460	<b>1068</b>
Iburasirazuba	0	0	0	0	0	13	11	8	59	113	17	174	<b>395</b>
Iburengerazuba	0	0	0	0	0	20	35	18	105	235	16	419	<b>848</b>
Umujyi wa Kigali	0	0	0	0	0	21	28	26	79	80	18	262	<b>514</b>
<b>IGITERANYO</b>	<b>0</b>	<b>0</b>	<b>0</b>	<b>4</b>	<b>0</b>	<b>90</b>	<b>148</b>	<b>91</b>	<b>451</b>	<b>904</b>	<b>291</b>	<b>1592</b>	<b>3571</b>

*\*Komite z'Abunzi*

INTARA	UMUBARE		
	IMYANYA YATOREWE KU MIRENGE	IMYANYA YATOREWE KU TUGALI	IGITERANYO
Amajyaruguru	0	0	0
Amajyepfo	0	33	33
Iburasirazuba	0	0	0
Iburengerazuba	0	38	38
<b>IGITERANYO</b>	<b>0</b>	<b>71</b>	<b>71</b>

**III. INGENGO Y'IMARI YAKORESHEJWE MU MATORA YO KUZUZA MU NTARA N'UMUJYI WA KIGALI**

Iyo ngengo y'imari yari ikenewe mu matora yo kuzuza yateguriwe igihe kandi ibonekera igihe, ibyo byatumye amatora agenda neza nta gikozwe huti huti cyangwa se kitateguwe. Uretse amatora yo ku rwego rw'Umurenge aho amatora yakozwe nta ngengo y'imali ihari, ikaba izishyurwa nyuma.

**NB:** Ingengo y'imali yakoreshejwe muri aya matora igaragara ku mugereka wa kabiri w'iyi raporo.

**IV. BIMWE MU BYAGARAGAYE MU MATORA YO KUZUZA INZEGO Z'IBANZE N'IZIHARIYE MU NTARA N'UMUJYI WA KIGALI**

Dushingiye ku migendekere y'amatora yo kuzuza twakoze hagati ya Gashyantare na Werurwe 2014, ibyagaragayemo by'ingenzi abantu bagarukaho n'ibi bikurikira:

- Imyanya yo kuzuza yagiye igaragaraga mu gihe cy'amatora kandi itari yaratanzwe ;
- Abantu batanga imyanya kandi abayobozi bakiriyirimo ;
- Site ziri kure na kure , cyangwa ziri aho imodoka zitagera , bigatuma kugeza ibikoresho kuri za site no kubitarura bigorana cyangwase bikanyagirwa dore ko twatoye ari igihe cy'imvura;

- Amatora ataritabiriwe cyane cyane ayo kuzuzwa za Njyanama z'Uturere yasabaga abaturage bose gutora, hari henshi abatuye umurenge ariko bakorera hanze yawo batayitabiye kuko usanga kenshi aho bakorera nta matora yabaga ariyo bakumvako Atari ngombwa kujya mu Mirenge batuyemo cyangwa bibarurijemo kuri lisiti y'itora Atari ngombwa ;
- Abayobozi b'Inzego zibanze batayagize ayabo , ngo bayakurikirane cyangwa bayakangurire Abaturage ;
- Gutinda kuzuzwa kwa Corrum mu matora aziguye , bigatuma amatora atangira atinze;
- Imyemerere y'amadini nko mu mirenge yigajemo Abadivantisite b'Umunsi wa Karindwi, yatumaga batora umunsi ukurikira cyangwa mbereho umunsi umwe. Ariko rero bakabyitabira.

## V. IBYIFUZO/INAMA

- Hakwiye kurebwa cyangwa gusubiramo uburyo imyanya yo kuzuzwa yajya ishakwa kuko ubukoreshwa ubu butoroshya icyo gikorwa;
- Abayobozi b'Inzego z'ibanze bakwiye guhugurwa kw'itegeko rigenga amatora, bakamenya uko umuntu ajya mu mwanya nuburyo awuvamo hubahirijwe amategeko n'uburyo abaturage bamenyeshwa ko Umuyobozi yeguye;
- Abayobozi b'Inzego z'ibanze bakwiye cyane kugira amatora yo kuzuzwa ayabo kuko usanga aho Umuyobozi yabigizemo uruhare rufatika n'abaturage barushaho kubaha agaciro bigatuma buri muturage agira uruhare rufatika ndetse n'ibivuye mu matora bikaba ari umusaruro bose bahurijeho imbaraga;
- Inzego z'Abagore,Urubyiruko ndetse n'Abafite ubumuga bakwiye nabo gukurikirana igikorwa cy'amatora yo kuzuzwa Inzego zabo kugirango bamenye n'abatowe dore ko baba bagomba gukorana n'abo aho kubiharira NEC yonyine. Izi zengo kandi zajya zitorwa ari uko inteko zabo zateranye, nkuko byakozwe muri aya matora arangiye.
- Byumwihariko muri CNPD, hakwiye igikorwa cyo gukangurira inteko zabo ibyahindutse mw'itegeko kugirango inzego zabo zuzuzwe neza;

- Amatora yaba yo kuzuzwa cyangwa n'andi yose akwiye kujya akorwa ku munsu w'umubyizi kandi utagira Itorero cyangwa idini wabangamira kuko usanga hari abavutswa cyangwa nabo bakivutsa uburenganzira bwo gutora kandi twese tuziko ari inshingano ikomeye ku mwene gihugu;
- Mu rwego rwo kwihutisha raporo no kujya havugururwa database y'abatowe hakwihutishwa gushyiraho no guhugura Abakorerabushake baja bakora saisie bakajya ari nabo bandika urutonde rw'amazina y'abatowe mu matora atandukanye aba yakozwe;
- Hakwiye gushakawa uburyo hakorwa ubuvugizi kugirango fonctionnement iva muri MINECOFIN ijye ibonekera igihe bityo amatora yose aje akorwa hari ingengo y'imali yayo ihari;
- Hakwiye kurebwa igituma abayobozi batorwa mu Nzego z'Ibanze bava mu myanya baba baratorewe kugirango hategurwe amahugurwa cyangwa se ikindi cyose cyakorwa kugirango abatowe bagume mu myanya yabo.

## VI. UMUSOZO

Muri rusange, amatora yo kuzuzwa imyanya mu buyobozi bw'Inzego z'Ibanze n'Izihariye yakozwe hagati ya Gashyantare- Werurwe 2014, yagenze neza.

Turashimira cyane abagize uruhare bese mu migendekere myiza yayo matora, by'umwihariko, Abayobozi b'Inzego z'Ibanze badufashije kugira ngo ayo matora yitabirwe kandi akorwe neza. Twongeye kandi gushimira byimazeyo Abakozi n'Abakorerabushake ba Komisiyo y'Igihugu y'Amatora ku nzego zose bagaragaje ubushake, ubwitange n'umurava kugira ngo ayo matora akorwe neza kandi mu gihe cyagenwe.

Turizerako Ubuyobozi bwa NEC ndetse n'Abafatanyabikorwa bayo mu bushishozi busanganywe buzashingira ku byifuzo bitandukanye byatanzwe muri iyi raporo kugirango amatora yandi dufite imbere azarusheho kugenda neza.

***AMWE MU MAFOTO IGARAGAZA IBYAKOZWE.***



**Amatora yo kuzaza Komite Nyobozi y'Umudugudu w'Amahoro.**



**Inspector of Police, Madame MUKAGASANA Marie Grace, abwira abakandida ko umutekano wabo uzaba nta makemwa.**



***Madamu IRAMBONA Liberata, Umuhuzabikorwa w'Ibikorwa by'Amatora mu Ntara n'Umujyi wa Kigali, yibutsa abakandida ibigendana no kwiyamamaza hubahirizwa amategeko agenga amatora.***



***Komiseri muri Komisiyo y'Igihugu y'Amatora, Bwana NTIBIRINDWA Suedi, akurikirana igikorwa cy'itora ry'umujyanama rusane mu Murenge wa Nkombo***



*Aba n'abagize Inteko itora mu matora yo kuzaza Komite Nyobozi y'Akarere ka Rusizi*